



Republika e Kosovës

Republika Kosova

Republic of Kosovo



Komuna e Kaçanikut

Opština Kaçanik

Municipal Kaçanik



REPUBLIKA E KOSOVËS
REPUBLICA KOSOVA
KOMUNA E KAÇANIKUT
OPŠTINA KAÇANIK



Data	31.12.18	Vendi	KAÇANIK
Nr. seri		Numri	
	01		60101-6110/18

INFORMATË

PËR AKTIVITETIN E KUVENDIT TË KOMUNËS, NGA KONSTITUIMI I KUVENDIT
TË KOMUNËS, 20 DHJETOR 2017 DERI MË 31 DHJETOR 2018

Kaçanik, Dhjetor 2018

PËRMBAJTJA

HYRJE _____

QËLLIMI _____

PËRBËRJA E KUVENDIT _____

MBLEDHJET E KUVENDIT TË KOMUNËS _____

KOMITETET E KUVENDIT _____

NJOFTIMET PËR MBLEDHJE _____

AKTET E KUVENDIT TË KOMUNËS _____

RAPORTIMI I KRYETARIT NË KUVENDIN E KOMUNËS _____

MONITORIMI I MBLEDHJEVE _____

PUBLIKIMI I AKTEVE NË WEB FAQEN ZYRTARE TË KOMUNËS _____

SHQYRTIMI I LIGJSHMËRISË SË AKTEVE _____

SHKELJET LIGJORE TË EVIDENTUARA _____

AKTIVITETE TË TJERA _____

PËRFUNDIM _____

Hyrje

Sipas Ligjit për Vetëqeverisje Lokale, Komuna është njësi themelore e vetëqeverisjes lokale në Republikën e Kosovës. Komuna përmes organeve të saj është e obliguar të ushtroj kompetencat në mënyrë ligjore dhe transparente, duke siguruar edhe pjesëmarrjen aktive të qytetarëve në procesin e vendimmarrjes së organeve komunale.

Organet e Komunës janë të obliguara që ushtrimin e veprimtarisë së tyre të zhvillojnë sipas Kushtetutës, ligjeve dhe akteve nënligjore të organeve qendrore dhe akteve të cilat i nxjerrin vet. Në kuadër të organeve të komunës, Kuvendi është organi më i lart legjislativ, i cili ushtron funksionin e tij në përputhje me Ligjin për Vetëqeverisje Lokale. Kuvendi mban mbledhjet e rregullta në mënyrë që të kryej funksionet në kuadër të fushë veprimtarisë së tij, të cilat kërkohen me legjislacionin në fuqi.

Qëllimi

Kjo informatë ka për qëllim informimin e qytetarëve, Organizatave Joqeveritare dhe çdo grupi tjetër të interesit rreth funksionimit të Kuvendit, nga konstituimi i Kuvendit të legjislaturës 6, më datën 20 dhjetor 2017, deri më 31 dhjetor 2018. Informata shërben si një mjet adekuat për të rritur transparencën e Kuvendit të Komunës.

Përbërja e Kuvendit

Përbërja e Kuvendit të Komunës ,dalë nga zgjedhjet e lokale të Republikës së Kosovës të mbajtura më 22 tetor 2017, është 27 anëtarë, të cilët përfaqësojnë 6 subjekte politike me numër të mandateve : Partia Demokratike e Kosovës (PDK) me 11 mandate, Lëvizja Vetëvendosje (LVV) me 5 mandate, Lidhja Demokratike e Kosovës(LDK) me 4 mandate, Aleanca për Ardhmërinë e Kosovës(AAK) me 4 mandate, Nisma për Kosovën(NISMA) me 2 mandate dhe IQ Lista për Kaçanikun me 1 mandat.

Konstituimi i Organeve të Komunës (Kuvendit dhe Kryetarit të Komunës) së Kaçanikut është bërë më 20 dhjetor 2017. Po në këtë mbledhje me votim të fshehtë është zgjedhur edhe Kryesues i Kuvendit, i cili kryeson Kuvendin e Komunës, Kemal Mërseli nga PDK. Me Kuvendin e Komunës udhëheq PDK, si partia fituese e zgjedhjeve në koalicion me AAK, deri në mbledhjen e fundit të këtij vitit të datës, 27 Dhjetor 2018, në të cilën tre anëtarë të AAK: Shemsedin Luzha, Albana Troni- Lika dhe Hajredin Luta deklarohen me shkrim së kalojnë si të Pavarur të Kuvendit të Komunës dhe vazhdojnë koalicionin me PDK, ndërkaq anëtarja e AAK, Afërdita Shehi, si anëtare e vetme e subjektit politik të AAK, deklarohet së në Kuvendin e Komunës, hiqet nga koalicioni me PDK për të vepruar në opozitë.

Mbledhjet e Kuvendit të Komunës

Ligji për Vetëqeverisje Lokale përcakton rregullat e mbajtjes së mbledhjeve të Kuvendit të Komunës, në mënyrë që të siguroj njëtrajshmëri të punës së këtij organi. Sipas Ligjit për Vetëqeverisje Lokale, Kuvendi i Komunës mban së paku dhjetë seanca në vit, pesë prej të cilave duhet të mbahen gjatë gjashtë mujorit të parë të vitit.

Kuvendi i Komunës së Kaçanikut bazuar në nenin 43.2 të Ligjit për Vetëqeverisje Lokale për gjatë vitit 2018, ka mbajtur 12 mbledhje të rregullta, ndërkaq ka ftuar edhe një mbledhje të jashtëzakonshme e cila nuk është mbajtur për shkak të mungesës së kuorumit. Kuvendi i Komunës ka mbajtur 2 mbledhje solemne, njëra me rastin e 10 vjetorit të Pavarësisë së Kosovës dhe tjetra në 20 vjetorin e rënies së komandantit legjendar, Adem Jasharit. Të gjitha mbledhjet e Kuvendit kanë qenë të hapura për publikun.

Komitetet e Kuvendit të Komunës

Kuvendi i Komunës së Kaçanikut ka formuar dy Komitete të përhershme;

1. Komiteti për Politikë dhe Financa dhe
2. Komiteti për Komunitete.

Kuvendi ka formuar edhe një Komitet tjetër, që është Komiteti për Shërbime Publike. gjithashtu ka formuar edhe Komitetin Konsultativ për Persona me Aftësi të Kufizuara.

Komiteti për Politikë dhe Financa ka pasur rol të veçantë në trajtimin dhe adresimin e çështjeve të cilat kanë qenë në interesim të përgjithshëm qytetarëve të komunës. Komiteti për Politikë dhe Financa i ka shqyrtuar të gjitha pikat që i ka pasur në rend dite dhe i ka përcjell për diskutim dhe miratim në Kuvendin e Komunës. Trajtim të veçantë KPF-ja i ka kushtuar çështjeve financiare siç janë : shqyrtimit të buxhetit, kornizës afatmesme buxhetore të komunës si dhe çështje të tjera siç janë; rregulloret komunale, raporteve financiare, ndërrimin e destinimit të tokës bujqësore në tokë ndërtimore të PK të klasës së 5 dhe 6 në bazë të kompetencës së bartura nga KK, për të cilat ka marrë vendime adekuate.

Komiteti për Komunitete ka mbajtur 4 mbledhje që kanë qenë të parapara të mbahen në këtë vit. Në mbledhjet e Komitetit për Komunitete janë shqyrtuar çështjet që kanë të bëjnë drejtpërdrejt me problemet e qytetarëve.

Komiteti për Shërbime Publike ka mbajtur gjithsej 3 mbledhje, në të cilat janë shqyrtuar çështjet që kanë të bëjnë kryesisht me shërbimet publike në Komunën e Kaçanikut.

Sa i përket Komitetit Konsultativ për Persona me Aftësi të kufizuara, ky Komitet është në formim e sipër.

Kuvendi i Komunës Kaçanik, pos tjerash ka formuar edhe Komisione siç janë : Komisioni për emërimin, riemërimin dhe rishqyrtimin e ankesave të rrugëve lokale, Komisioni për ndryshim plotësimin e Statutit të Komunës, Komisioni për formimin e këshillave të fshatrave dhe Komisioni vlerësues për dhënien në shfrytëzim të pronës së paluajtshme të Komunës. Gjithashtu Kuvendi i Komunës ka formuar edhe Këshillin Komunal për Siguri në Bashkësi.

Njoftimet për mbledhje

Të gjithë anëtarët e Kuvendit të Komunës janë njoftuar paraprakisht me shkrim, ashtu siç kërkohet, 7 (shtatë) ditë pune para mbajtjes së mbledhjes. Në njoftim është shënuar: data e mbajtjes së mbledhjes, koha e mbajtjes së mbledhjes, vendi i mbajtjes së mbledhjes, rendi i ditës për mbledhje edhe materialet e mbledhjes. Materiali i mbledhjes është dërguar në kopje fizike deri me mbledhjen e 6, ndërkaq pas kësaj mbledhje, është dërguar në formë elektronike, pasi anëtarët e KK janë pajisur me Laptop.

Gjatë njoftimit dhe ndarjes së materialeve të mbledhjes, i njëjti njoftim është publikuar në ueb faqen e Komunës .

Njoftimi dhe materialet gjithashtu i janë dërguar edhe Ministrisë së Administrimit të Pushtetit Lokal (MAPL), në pajtim me Ligjin për Vetëqeverisje Lokale. Materiali i mbledhjes i është dërguar edhe ekzekutivit të komunës, Zyra e Informimit dhe OJQ.

Aktet e Kuvendit të Komunës

Në periudhën janar – dhjetor 2018, Kuvendi ka shqyrtuar 100 pika të rendit të ditës. Në Kuvendin e Komunës janë miratuar 4 Rregullore komunale, Kornizën Afatmesme Buxhetore dhe Vendimin për miratimin e Buxhetit për vitin 2019 dhe vlerësimet për vitet 2020-2021,4 Raporte periodike buxhetore ,Raportin dhe Plani vjetor I Kuvendit ,Raporti i Kryetarit për aktivitetin e përgjithshëm të Komunës, Raportet dhe Planet e Komiteteve të Kuvendit dhe Raporti dhe Plani I Këshillit Komunal për Siguri në Bashkësi. Gjatë kësaj periudhe Kuvendi miratoi 69 Vendime.

Aktet e miratuara rregullojnë fushat e ndryshme të qeverisjes në nivel lokal, si në arsim dhe kulturë, shëndetësi dhe mirëqenie sociale, shërbime publike dhe mbrojtje të ambientit, siguri , bujqësi , urbanizëm etj.

Raportimi i Kryetarit në Kuvendin e Komunës

Në mesin e përgjegjësive të Kryetarit të Komunës është edhe raporti i Kryetari para Kuvendit të Komunës për situatën ekonomiko-financiare, si administrues i financave të komunës lidhur me shpenzimet komunale, investimet kapitale dhe shfrytëzimin e parasë publike. Kryetari i Komunës e ka përmbushur obligimin për raportim në Kuvendin e Komunës brenda këtij viti, ku forma e raportimit ka qenë me shkrim dhe atë katër herë për gjatë vitit dhe në formë verbale çdo herë kur

është kërkuar. Gjithashtu ekzekutivi i komunës i është përgjigjur Kërkesave të anëtarëve të KK aty për aty apo në formë të shkruar. Kjo është një formë më e mirë e bashkëpunimit dhe llogaridhënies së ekzekutivit ndaj Kuvendit të Komunës.

Monitorimi i mbledhjeve

Monitorimi i mbledhjeve të Kuvendit edhe gjatë këtij viti ka qenë i vazhdueshëm. Aktiviteti i Kuvendit është monitoruar nga strukturat ndërkombëtare, siç është OSBE-ja e cila kryesisht i ka përcjellë mbledhjet e KK . Ndërkaq nga strukturat vendore, monitorimi është bërë nga Ministria e Administrimit të Pushtetit Lokal e cila vazhdimisht përcjell punën dhe aktivitetin e Kuvendit nga distanca përmes teleprezencës. Të gjitha mbledhjet e Kuvendit janë mbajtur me dyer të hapura, mirëpo interesimi i OJQ-ve dhe grupeve tjera të interesit ka qenë minimal.

Publikimi i akteve në ueb faqen zyrtare të Komunës

Gjatë periudhës janar-dhjetor 2018, të gjitha aktet e miratuara në Kuvendin e Komunës janë publikuar në ueb faqen zyrtare të Komunës, duke përfshirë edhe procesverbalet e mbajtjes së mbledhjeve të Kuvendit. Kjo mënyrë e publikimit mundëson qasjen e qytetarëve në të gjitha aktet e Kuvendit të Komunës dhe qasje më të lehtë në dokumente zyrtare.

Shqyrtimi i ligjshmërisë së akteve

Ministria e Administrimit të Pushtetit Lokal është autoritet mbikëqyrës i komunave për vlerësimin e ligjshmërisë së akteve të miratuara në Kuvend. Gjatë periudhës janar-dhjetor të vitit 2018, të gjitha aktet e miratuara në Kuvend janë dërguar për shqyrtimin e ligjshmërisë në MAPL. Nga të gjitha aktet e dërguara në MAPL, një vendim është kthyer për rishqyrtim për shkak të balancimit gjinor në përbërjen e Komitetit për Komunitete , dy vendime janë kthyer për rishqyrtim për ndërrim destinimin e tokës bujqësore dhe një Vendim për hartimin e Planit Zhvillimor Komunal. Ndërsa një Vendim tjetër për ndërrim destinim të tokës bujqësore nuk është rishqyrtuar për shkak se MAPL e ka kthyer pas afatit ligjor.

Aktivitete tjera

Krahas punës në Kuvendit, ka pasur edhe aktivitete të tjera edhe jashtë Kuvendit. Kryesuesi ka prezantuar në të gjitha takimet e organizuara nga MAPL, Asociacioni i Komunave të Kosovës, Kolegjiumi i Kryesuesve të Kuvendit dhe takime tjera me qëllim të shqyrtimit të problematikave ,evidentimin e pengesave që hasen gjatë punës së Kuvendit dhe gjetjen e formave për tejkalimin dhe lehtësimin punës së Kuvendit në zhvillimin e politikave lokale. Krahas angazhimit të kryesuesit edhe anëtarët tjerë të Kuvendit kanë dhënë kontributin e tyre në takimet e ndryshme, trajnime dhe seminare të organizuara nga Ministrinë, Asociacioni i Komunave të Kosovës dhe Organizatat siç janë OSBE-ja , DEMOS-I, UNDP-ja ,SPRC-ja dhe USAID.

Përfundime :

-Ftesa për mbledhjet e Kuvendit dhe materialet e mbledhjes janë dërguar, duke respektuar afatet që janë përcaktuar me Ligjin për Vetëqeverisje Lokale;

- Kuvendi i Komunës, gjatë vitit 2018 ka mbajtur gjithsej 12 mbledhje të rregullta, apo maksimumi I mbledhjeve që janë të parapara me Ligjin për Vetëqeverisjen Lokale;

- Të gjitha mbledhjet e Kuvendit kanë qenë të hapura për qytetarët, OJQ-t dhe grupet tjera të interesit;

- Monitorimi i mbledhjeve, nga strukturat ndërkombëtare është bërë nga OSBE-ja me praninë e tyre fizike , ndërsa nga niveli qendror ,nga MAPL-ja përmes teleprezencës;

- Kuvendi i Komunës ka mbajtur takime publike me qytetarët për buxhetin e komunës;

-Për të gjitha mbledhjet e Kuvendit të Komunës është mbajtur procesverbal dhe i njëjti është publikuar në ueb faqen zyrtare të Komunës;

-Kryetari i Komunës ka raportuar 4 herë me raport të shkruar financiar, para Kuvendit të Komunës;

-Aktet e miratuara në Kuvendin e Komunës janë publikuar në ueb faqen zyrtare të komunës dhe në Gazetën Zyrtare të Republikës së Kosovës.

-Të gjitha aktet e miratuara në Kuvendin e Komunës janë dërguar në MAPL për shqyrtimin e ligjshmërisë, në afatin e përcaktuar ligjor dhe I përkthyer në dy gjuhë;

-Pjesëmarrja e Kryetarit dhe ekzekutivit në mbledhjet e Kuvendit ka qenë pothuajse i përhershëm;

- Incizimi I mbledhjeve është bërë përmes teleprezencës dhe i njëjti është publikuar në ueb faqen zyrtare të Komunës;

Kryesuesi i Kuvendit

Kemal Mërseli

